



REPUBLIKA E SHQIPËRISË

**BASHKIA DEVOLL
NJËSIA E PROKURIMIT**

Nr. _____ prot.

Bilisht, më ____ . ____ .2026

PROCESVERBAL – Tipi i kontratës - Mall

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS: "Boje per Lyerjen e Shkollave"

**KODI PËRKATËS NË FJALORIN E PËRBASHKËT TË PROKURIMIT (CPV): Bojra
44810000-1**

**VLERA E FONDIT LIMIT: 1,399,825 (nje milion treqind e nëntëdhjetë e nëntë mijë e
tetëqind e njëzet e pesë) leke pa TVSH**

Në bazë të nenit 21, pika 2, të Ligjit nr.162/2020 "Për prokurimin publik" i ndryshuar , nenit 2, pika 2/c dhe nenit 78, pika 2, të VKM nr. 285, datë 19.05.2021 "Për miratimin e rregullave të prokurimit publik", autoriteti/enti kontraktor **Bashkia Devoll** ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT

1. Kandidati/ofertuesi duhet të dorëzojë:

a. *Formularin Përmbledhës të Vetëdeklarimit, sipas shtojcës 9;*

b. *Sigurimin e Ofertës, sipas Shtojcës 4;*

Argumentimi: Kërkesat e mësipërme bazohen me Nenin 76 "Kriteret detyruese për skualifikim" Nenin 82 "Formulari përmbledhës i vetëdeklarimit" dhe Neni 83 "Sigurimi i ofertes", të Ligjit Nr.162/2020 "Për Prokurimin Publik" si dhe në mbështetje të Nenit 26 "Formulari përmbledhës i vetëdeklarimit" dhe nenit 30, pika 1, të VKM-së Nr.285, datë 19.5.2021 "Për Miratimin e Rregullave të Prokurimit Publik:

Neni 82, i LPP "1. *Bashkë me dorëzimin e kërkesave për pjesëmarrje ose të ofertave, autoritetet ose entet kontraktore pranojnë si prova paraprake në vend të disa vertetimeve të leshuara nga*

autoritetet publike ose pale te treta, formularin permbledhes te vetdeklarimit, sipas parashikimeve te ketij ligji. Permbajtja e ketij formulari percaktohet ne rregullat e prokurimit publik”.

Neni 83 i LPP “*Autoriteti kontraktor duhet të kërkojë paraqitjen e sigurimit të ofertës nga ofertuesit në të gjitha llojet e procedurave të prokurimit, me përjashtim të procedurave të prokurimit me vlerë të vogël”*,

2. Kandidati/Ofertuesi duhet të dorëzojë:

2.1. Përshtatshmëria për të kryer veprimtarinë profesionale (nëse është e aplikueshme):

Sipas kriterëve të përgjithshme të pranimit/kualifikimit e shtojces (Shtojca 9).

Argumentimi: Kërkesa e mësipërme bazohet në nenin 77, pika 1/a dhe 2, të LPP, nenit 40, pika 5, të VKM nr. 285, datë 19.05.2021 “Për miratimin e rregullave të prokurimit publik”, i ndryshuar

2.2. Kapaciteti ekonomik dhe financiar:

2.2.1 Për të provuar kapacitetet financiare dhe ekonomike, operatorët ekonomikë duhet të paraqesin vërtetim për xhiron vjetore për vitet financiare 2023,2024, 2025 ku vlera e xhiros për të paktën një nga vitet e periudhës së kërkuar duhet të jetë jo më e vogël se 40% e vlerës së fondit limit të kontratës.

Argumentimi: Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, si dhe nenin 43, të VKM nr. 285, datë 19.05.2021 “Për miratimin e rregullave të prokurimit publik” i ndryshuar.

Përcaktimi i vlerës së kërkuar argumentohet si më poshtë:

Në zbatim të VKM nr. 285, datë 19.05.2021 “Për miratimin e rregullave të prokurimit publik” i ndryshuar, neni 55, pika 4, “Vlera e xhiros së kërkuar në këtë lloj procedure prokurimi nuk mund të tejkalojë 40 % të vlerës së përllëgaritur të kontratës, sipas parashikimeve në nenin 43, të këtyre rregullave”. Referuar parashikimeve ligjore të nenit 43, pika 2, germa c), për procedurat nën kufirin e ulët monetar, siç është rasti i kësaj procedure.

Përcaktimi i viteve të kërkuara për paraqitjen e vërtetimit të xhiros vjetore është bërë bazuar në VKM “Për rregullat e prokurimit publik”, e cila parashikon se Autoriteti kontraktor për të provuar kapacitetet financiare dhe ekonomike mund të kërkojë për një periudhë maksimumi deri në 3 vitet e fundit financiare. Kjo është një kërkesë e cila nuk e pengon konkurrencën dhe është e bazuar në garancinë që ofertuesi i paraqet Autoritetit Kontraktor

2.3 Aftësitë teknike dhe profesionale:

2.3.1 Operatori ekonomik duhet të paraqesë dëshmi për pervojën e mëparshme të ngjashme, të kryera gjatë tre viteve të fundit nga data e shpalljes së njoftimit të kontratës, në një vlerë jo më të vogël se 20 % të vlerës së fondit limit të kontratës ,

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- a) për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës dhe faturave tatimore të shitjes, të plotësuara sipas kërkesave të legjislacionit në fuqi, ku shënohen datat, shumat dhe sasite e mallrave të furnizuara.
- b) për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasite e mallrave të furnizuara.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” i ndryshuar dhe nenit 40, pika 4 (*ose në rastin e procedurave të thjeshtuara në nenin 55, pika 4/b*), të VKM nr. 285, datë 19.05.2021 “Për miratimin e Rregullave të Prokurimit Publik”.i ndryshuar Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që furnizimet e mëparshme të ngjashme të jenë në vlerën jo më pak se 20 % të vlerës së fondit limit, që është brenda vlerës kufi të përcaktuar në nenin e sipërcituar.

Përcaktimi i vlerës së kërkuar për kontratat e ngjashme argumentohet si më poshtë:

Në zbatim të VKM nr. 285, datë 19.05.2021 “Për miratimin e Rregullave të Prokurimit Publik”, nenit 55, pika 4, germa b) në vlerën 20% të fondit limit.

Duke marrë në konsideratë vlerën e fondit limit të shërbimit të kërkuar objekt procedure prokurimi, është menduar se vlera e kërkuar që OE ofertues të kete realizuar kontrata të ngjashme, të jete afer limitit maksimal të lejuar dhe në kete menyre, AK ka sigurine dhe besueshmerine që OE ofertues mund të realizojë kontratën objekt prokurimi pa patur pengesa të ndryshme që do të ndikonin në ecurinë e punës së AK.

2.3.2 Operatori ekonomik pjesëmarrës, duhet të paraqesë **një deklaratë**, me anë të së cilës merr përsipër të kryejë **shërbimin e transportit të mallrave me mjetet dhe shpenzimet e tij pranë Autoritetit Kontraktor**

Argumentimi: Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” I ndryshuar dhe pika 8 e nenit 40, të VKM nr. 285, datë 19.05.2021, “Për miratimin e Rregullave të Prokurimit Publik”, i ndryshuar me anë të këtij kriteri kërkohet që operatorët ekonomikë të deklarojnë se marrin përsipër të kryejnë shërbimin e transportit në

adresen e percaktuar te Autoritetit Kontraktor.. Kjo deklarate shërben si garanci për Autoritetin Kontraktor per zbatimin me sukses te kontrates objekt prokurimi.

II. Argumentimi i specifikimeve teknike

*Shënim: Përcaktoni specifikimet teknike, për mallrat objekt prokurimi, të cilat duhet të përshkruajnë minimumin ose tërësinë e elementeve më të rëndësishme përbërëse, që garantojnë cilësinë e kërkuar, dhe që i vlerëson mallrat si të pranueshme për funksionet e kërkuara, në përputhje me parashikimet e nenit 4, pika 38/b dhe nenit 36, të LPP, si dhe nenit 40, pika 2, të VKM nr. 285, datë 19.05.2021, “Për miratimin e rregullave të prokurimit publik”, **duke argumentuar çdo kërkesë funksionale ose performance, apo/dhe çdo standard të kërkuar**, ku çdo referencë duhet të shoqërohet nga fjalët “ose ekuivalenti i tij/saj”.*

Kujdes: Në specifikimet teknike, nëse nuk e justifikon objekti i kontratës, nuk duhet të përmendet asnjë markë prodhimi ose burim specifik apo proces i veçantë, që karakterizon produktet ose shërbimet e ofruara nga një operator ekonomik specifik apo asnjë markë tregtare, patentë, tipi ose origjinë apo prodhim specifik, me qëllim favorizimin ose eliminimin e disa sipërmarrjeve ose produkteve. Një gjë e tillë lejohet vetëm në raste përjashtimore kur nuk ekziston një mënyrë e mjaftueshme, e saktë apo e kuptueshme e përshkrimit të objektit të kontratës, sipas pikës 3 të nenit 36, të LPP. Referime të tilla duhet të shoqërohen nga fjalët “ose ekuivalente”.

Specifikimet teknike janë vendosur në përputhje me LPP-së dhe në to përcaktohen qartë karakteristika e mallit objekt prokurimi duke mos përmendur asnjë markë prodhimi ose burim specifik apo proces i veçantë, që karakterizon produktet ose shërbimet e ofruara nga një operator ekonomik specifik apo asnjë markë tregtare, patentë, tipi ose origjinë apo prodhim specifik, me qëllim favorizimin ose eliminimin e disa sipërmarrjeve ose produkteve. Specifikimet teknike në rastin konkret nuk përbëjnë pengesë për konkurrencën e hapur dhe pjesënarrjen e OE të cilët tregëtojnë bojra dhe materiale te tjera. Specifikimet teknike jane vendosur me qellim marrjen e bojrave sa me cilesore per shkak se ato do te perdoren per lyerjen e shkollave dhe kopshteve.

Specifikimi i Materialeve:

1. **Bojë akrilike për sipërfaqe të jashtme, kovë 10 L** – Bojë akrilike me bazë ujore, me përmbajtje të lëndës së ngurtë $\geq 50\%$, dendësi $1.40\text{--}1.60\text{ g/cm}^3$ (20°C), fuqi mbuluese jo më pak se $9\text{--}11\text{ m}^2/\text{L}$ për një shtresë, rezistencë ndaj rrezeve UV, lagështisë, reshjeve, alkaleve dhe mykut, me përshkueshmëri ndaj avujve të ujit, në

përputhje me standardin EN 1062 ose ekuivalent, e paketuar në kovë 10 litra.

2. **Bojë plastiko për sipërfaqe të brendshme, kovë 10 L** – Bojë plastike me bazë ujore, ekologjike me emetim te ulet te komponimeve organike te paqendrueshme (VOC), pa përmbajtjen e metaleve te renda dhe te substancave te tjera te rezikshme mbi kufijte e lejuar nga legjislacioni ne fuqi ne perputhje me kerkesat e directives

200/42/EC ose ekuivalent. e përbërë nga dispersion akrilik/vinilik, pigmente dhe mbushës mineralë cilësorë, me përmbajtje të lëndës së ngurtë $\geq 50\%$, dendësi 1.40–1.60 g/cm³ (20°C), viskozitet të përshtatshëm për aplikim me rul ose furçë, fuqi mbuluese jo më pak se 10–12 m²/L për një shtresë, rezistencë të mirë ndaj fshirjes dhe larjes, ngjitje të lartë në sipërfaqe suvaje, betoni dhe gipsi, finicion mat, e pakeluar në kovë 10 litra.

3. **Astar me bazë nafti për përgatitje sipërfaqesh, kovë 15 L** – Astar me bazë tretësi organik (alkid), i përbërë nga rrëshirë alkidike, pigmente mbrojtëse dhe aditivë funksionalë, me përmbajtje të lëndës së ngurtë $\geq 50\%$, dendësi 1.30–1.50 g/cm³ (20°C), fuqi mbuluese jo më pak se 8–10 m²/L, me depërtim dhe ngjitje të lartë në sipërfaqe betoni, suva, druri dhe metali, rezistent ndaj lagështisë dhe korrozionit sipas destinacionit të përdorimit, i pakeluar në kovë 15 litra.
4. **Naft (tretës organik), kovë 15 L** – Tretës organik me bazë hidrokarbure alifatike, me pastërti të lartë, i përshtatshëm për hollimin e bojërave dhe produkteve me bazë alkidi, pastrimin e mjeteve të punës dhe përgatitjen e sipërfaqeve, me avullim të kontrolluar, përmbajtje të ulët papastërtish, pa sedimente, me përputhshmëri me kërkesat e sigurisë për substancat kimike dhe në përputhje me standardet teknike për tretësit organikë ose ekuivalent, i pakeluar në enë 15 litra.
5. **Hidromat i bardhë për sipërfaqe të brendshme, kovë 10 L** – Bojë plastike/hidromat me bazë ujore, ekologjike me emetim të ulët të komponimeve organike të paqendrueshme (VOC), pa përmbajtjen e metaleve të rënda dhe të substancave të tjera të rezyrtuara mbi kufijtë e lejuar nga legjislacioni në fuqi në përputhje me kërkesat e direktivës 200/42/EC ose ekuivalent. e përbërë nga dispersion akrilik ose vinilik, pigmente të bardha me bazë dioksid titani (TiO₂) dhe mbushës mineralë cilësorë, me përmbajtje të lëndës së ngurtë $\geq 50\%$, dendësi 1.45–1.65 g/cm³ (20°C), fuqi

mbuluese jo më pak se 10–12 m²/L për një shtresë, finicion mat i njëtrajtshëm, bardhësi dhe stabilitet të lartë të ngjyrës, rezistencë ndaj fshirjes së thatë dhe lagështisë, ngjitje të mirë në sipërfaqe suvaje, betoni dhe gipsi, i pakeluar në kovë 10 litra

6. **Pigment kompjuteri për ngjyrosje bojërash** – Pigment universal me bazë ujore, me përqendrim të lartë ngjyruar, i përshtatshëm për sistemet e ngjyrosjes së bojërave plastike, akrilike dhe hidromateve, me rezistencë të lartë ndaj dritës dhe rrezeve UV, stabilitet të mirë të ngjyrës dhe përputhshmëri me bazat ujore të bojërave; **ngjyra dhe nuanca do të përcaktohen sipas kërkesës së Autoritetit Kontraktor gjatë zbatimit të kontratës pas shpalljes fitues**.
7. **Gëlqere pluhur për lyerje, qese 10 kg** – Gëlqere e hidratuar (Ca(OH)₂) në formë pluhuri të imët, me pastërti të lartë kimike, granulometri të imët dhe shpërndarje homogjene, e përshtatshme për përgatitjen e qumështit të gëlqerës për lyerje të sipërfaqeve të brendshme dhe të jashtme, me përmbajtje të lartë të oksidit të kalciumit ekuivalent (CaO), pa papastërti të dukshme, me ngjitje të mirë dhe aftësi mbuluese, në përputhje me standardet teknike për gëlqeret e ndërtimit, e pakeluar në qese 10 kg.
8. **Rul lyerjeje profesional për aplikim bojërash** – Rul lyerjeje me cilësi të lartë, me mbështjellës prej mikrofibre/poliesteri me densitet të lartë, me gjatësi pushi 10–18 mm, me thithje dhe shpërndarje uniforme të bojës, pa lëshim fijesh gjatë përdorimit, rezistent ndaj tretësve dhe larjes, i përshtatshëm për aplikimin e bojërave plastike, akrilike dhe hidromateve në sipërfaqe suvaje, betoni dhe gipsi, me strukturë të qëndrueshme dhe dorezë ergonomike për përdorim profesional.
9. **Furçë për gëlqere** – Furçë profesionale për aplikimin e gëlqerës dhe materialeve me bazë ujore, e prodhuar me fije sintetike/natyrë cilësore me densitet të lartë, gjatësi fijeje 60–80 mm, me aftësi të lartë mbajtëse dhe shpërndarje uniforme të materialit, rezistente ndaj lagështisë,

konsumimit dhe deformimit gjatë përdorimit, me fiksime të qëndrueshëm të fijeve në trupin e furçës, me dorezë ergonomike prej materiali rezistent, e përshtatshme për punime lysterje në sipërfaqe suvaje, betoni dhe materiale minerale.

10. Furçë për bojë vaji, madhësi e madhe –

Furçë profesionale për aplikimin e bojrave me bazë vaji, alkidi dhe tretës organikë, me fije sintetike të përziera ose natyrale të cilësisë së mirë, me densitet të lartë fijeje dhe gjatësi 50–70 mm, me përthithje dhe çlirim uniform të bojës, që siguron përfundim të njëtrajtshëm pa lënë gjurmë, me fiksime të fortë të fijeve në trupin metalik kundër rënies gjatë përdorimit, rezistente ndaj tretësve, lagështisë dhe konsumimit, me trup të qëndrueshëm dhe dorezë ergonomike prej materiali rezistent, e përshtatshme për punime profesionale lysterje në sipërfaqe druri, metali dhe materiale të tjera.

11. Skaf për bojë (tabaka lysterje) –

Tabaka profesionale për aplikimin e bojrave, e prodhuar nga material plastik polipropilen (PP) ose ekuivalent me rezistencë të lartë mekanike, rezistente ndaj bojrave me bazë ujore dhe tretësve të zakonshëm, me strukturë të përforcuar kundër deformimit, sipërfaqe të pjerrët me relief për shpërndarje uniforme të bojës në rul, zonë për shtrydhjen e bojës së tepërt, kapacitet të përshtatshëm për rul 18–25 cm, rezistente ndaj larjes dhe përdorimit të përsëritur, me dimensione dhe formë ergonomike për punime profesionale lysterje.

12. Furçë për prerje tavani (cutting brush) –

Furçë profesionale për punime precize të prerjes së tavaneve, qosheve dhe skajeve gjatë lysterjes, me fije sintetike cilësore me densitet të lartë, gjatësi fijeje 50–60 mm, me elasticitet dhe mbajtje të mirë të formës për kontroll maksimal gjatë aplikimit, me aftësi të mirë mbajtëse dhe shpërndarje uniforme të bojës, pa lëshim të fijeve gjatë përdorimit, me fiksime të fortë të fijeve në trupin metalik, dorezë ergonomike dhe rezistente, e përshtatshme për bojëra plastike, akrilike dhe hidromate.

13. Bojë vaji për sipërfaqe druri dhe metali –

Bojë me bazë rrëshire alkidike dhe tretës organikë, e përbërë nga pigmente rezistente ndaj dritës, mbushës mineralë dhe aditivë funksionalë, me përmbajtje të lëndës së ngurtë $\geq 55\%$, dendësi 1.20–1.50 g/cm³ (20°C), fuqi mbuluese jo më pak se 10–12 m²/L për një shtresë, me tharje të mirë dhe formim shtrese të fortë mbrojtëse, rezistente ndaj fërkimit, lagështisë, detergjentëve të zakonshëm dhe kushteve atmosferike, me shkëlqim të qëndrueshëm dhe ngjitje të lartë në sipërfaqe druri e metali, **ngjyra do të përcaktohet pas shpalljes së operatorit ekonomik fitues, sipas mostrave/katalogut të ngjyrave të miratuara nga Autoriteti Kontraktor.**

14. Tretës për bojë vaji –

Tretës organik me bazë hidrokarbure të rafinuara (white spirit/solvent), i përshtatshëm për hollimin e bojrave me bazë vaji, alkidi dhe smalteve, me pastërti të lartë, përmbajtje të ulët të papastërtive, pa ujë dhe pa sedimente, me dendësi 0.75–0.85 g/cm³ (20°C), pikë ndezjeje jo më të ulët se 30°C, avullim të kontrolluar dhe fuqi të mirë tretëse, duke siguruar përzierje homogjene, aplikim të njëtrajtshëm dhe tharje korrekte të shtresës së bojës, i përshtatshëm për hollimin e materialeve të lysterjes dhe pastrimin e mjeteve të punës, në përputhje me kërkesat e sigurisë për substancat kimike dhe standardet teknike për tretësit organikë ose ekuivalent, i paketuar në ambalazh të përshtatshëm.

15. Tënie letre (shirit ngjitës maskues) 5 cm –

Shirit ngjitës mbrojtës për punime lysterje, me bazë letre krep (crepe paper) dhe ngjitës akrilik, me gjerësi 50 mm, rezistent ndaj bojërave me bazë ujore dhe tretësve të lehtë, me ngjitje të mirë në sipërfaqe druri, metali, xhami, plastike dhe suvaje, që siguron kufizim të pastër të vijave gjatë lysterjes, hiqet lehtësisht pa lënë mbetje ngjitëse dhe pa dëmtuar sipërfaqen, i përshtatshëm për përdorim profesional në punime dekorimi dhe mirëmbajtjeje.

16. Stekë për rul lysterje, gjatësi 2 m –

Zgjatues profesional teleskopik për rul

lyerjeje me gjatësi pune deri në 2 metra, i prodhuar nga alumin i anodizuar ose material fibër kompozite me rezistencë të lartë, me strukturë të lehtë dhe të qëndrueshme, rezistent ndaj përkuljes, goditjeve dhe konsumimit gjatë përdorimit të vazhdueshëm, me mekanizëm zgjatjeje dhe bllokimi të sigurt, me filetë standarde universale për montim të rulave të ndryshëm, me dorezë ergonomike kundër rrëshqitjes, rezistent ndaj lagështisë dhe materialeve të lyerjes, i përshtatshëm për punime profesionale në tavane, mure dhe sipërfaqe të larta në ambiente të brendshme dhe të jashtme.

17. Mistri për punime ndërtimi dhe suvatimi

– Mistri profesional prej çeliku inox ose çeliku të temperuar me rezistencë të lartë ndaj konsumimit dhe korrozionit, me fletë të lëmuar me përmasa 180–220 mm gjatësi dhe 80–120 mm gjerësi, me trashësi të përshtatshme për punime profesionale, me lidhje të fortë midis fletës dhe dorezës, dorezë ergonomike kundër rrëshqitjes, i përshtatshëm për përhapjen dhe nivelimin e llaçit, stukos, gipsit dhe materialeve të tjera ndërtimore

18. Skriste e madhe për punime ndërtimi dhe lyerjeje – Skriste profesionale me teh çeliku inox ose çelik të temperuar, me përmasa 250–300 mm gjatësi dhe 100–150 mm gjerësi, me teh të drejtë, elastik dhe rezistent ndaj konsumimit, me dorezë ergonomike dhe fiksime të qëndrueshme, e përshtatshme për nivelim, shtrirje dhe përpunim të stukos, gipsit, suvasë dhe materialeve të tjera ndërtimore.

19. Stuko patinimi akrilike, kovë 25 kg – Stuko profesionale akrilike me bazë ujore, e gatshme për përdorim, e përbërë nga dispersion akrilik, mbushës mineralë të përzgjedhur me granulometri shumë të imët dhe aditivë për përmirësimin e punueshmërisë, ngjitjes dhe stabilitetit, me përmbajtje të lëndës së ngurtë $\geq 65\%$, dendësi 1.60–1.80 g/cm³ (20°C), granulometri maksimale ≤ 0.2 mm, tkurrje minimale pas tharjes, tharje të njëtrajtshme dhe pa plasaritje, e lehtë për lëmim, me ngjitje të lartë në sipërfaqe suvaje, betoni, gipsi dhe materiale të tjera minerale, që siguron sipërfaqe të lëmuar dhe uniforme para aplikimit të bojës, me rezistencë ndaj lagështisë dhe përdorimit të brendshëm, në përputhje me standardet teknike për materialet mbushëse dhe niveluese e pakëturar ne thes 25 kg.

Njesia e Prokurimit: